

ՄԵՐ ՀՈՒՔԵԼՅԱՐՆԵՐԸ ✦ НАШИ ЮБИЛЯРЫ

ԱԲԳԱՐ ՀՈՎՀԱՆՆԻՍՅԱՆ

Լրացավ սովետահայ խոշոր պատմաբան, Հայկական ՍՍՀ գիտությունների ակադեմիայի փոխնախագահ, ակադեմիկոս Աբգար Ռուբենի Հովհաննիսյանի ծննդյան 75-ամյակը:

Արդեն հինգ տասնամյակից ավելի է, ինչ Աբգար Հովհաննիսյանն իր ողջ կյանքը, ստեղծագործական մեծ կարողությունները և պատմաբանի ինքնատիպ տաղանդը ի սպաս է դրել հայրենի գիտության առաջընթացի շնորհակալ գործին: Նրա աշխատություններն աչքի են ընկնում գաղափարական նպատակասլացությամբ, ֆարցերի ու պրոբլեմների լայն ընդգրկումով, փաստարկման համոզությամբ և նյութի մատուցման յուրօրինակ դյուրամատչելի և զանազանով: Ա. Ռ. Հովհաննիսյանը մեծ վաստակ ունի Հայաստանում պատմական գիտության վերելքի, պատմագիտական կադրերի անեցման ու դաստիարակության գործում: Նա զգալի աշխատանք է տարել հասարակական գիտությունների տարբեր նյութերի առաջընթացն ապահովելու ուղղությամբ, նրա նախաձեռնությամբ և ղեկավարությամբ իրականացվել են բազմաթիվ գիտական միջոցառումներ, լույս են ընծայվել մեծ քվով ուսումնասիրություններ, որոնք նպաստել են գիտության զարգացմանը Սովետական Հայաստանում:



Աբգար Հովհաննիսյանը ծնվել է Քբիլիսիում 1908 թ., բարձրագույն կրթություն ստացել է Երևանի պետական համալսարանում. որտեղ է. ասպիրանտուրան Մոսկվայում ավարտելուց հետո, առցել է դասախոսական աշխատանքի: 1938 թ. նա պաշտպանել է դոկտորական դիսերտացիա, դարձել նոր պատմության ամբիոնի վարիչ, հետո՝ համալսարանի պրոֆեսոր: 1947 թ. Ա. Ռ. Հովհաննիսյանն ընտրվել է Հայաստանի գիտությունների ակադեմիայի իսկական անդամ: 1947—53 թթ. նա եղել է ՀՍՄՀ ԳԱ պատմության ինստիտուտի դիրեկտորը, հետո տասը տարուց ավելի գլխավորել է գիտությունների ակադեմիայի հասարակական բաժանմունքը, իսկ 1967 թ. մինչև այժմ նա ակադեմիայի փոխնախագահն է:

Իր գիտահետազոտական գործունեության սկզբում Աբգար Հովհաննիսյանը զբաղվել է ֆրանսիական մեծ նկղափոխության գաղափարախոսության ուսումնասիրությամբ: Շարունակելով իր ուսուցչի՝ Վ. Պ. Վոլգինի գործը, Ա. Հովհաննիսյանը կարողացավ ստեղծել ֆրանսիական ուսուցիստ սոցիալիստների հասարակական-հաղափարական ուսմունքներին նվիրված մեծաթվով, մեծաչափ աշխատություններ:

Այդ բնագավառում նրա անդրանիկ հետազոտությունը (հրատարակված Մոսկվայում 1931 թ.) նվիրված էր ֆրանսիացի ուսուցիստ գրող Ռեոտիֆ դե լյա Բրետոնին: 1936 թ. նա ներածական ակնարկով ու գիտական ծանոթագրություններով լույս ընծայեց Եուլյե Բեդինսկի «Հարավային հայտնագործություն» գիրքը: Երևի տարի անց Մոսկվայում Ա. Հովհաննիսյանը տպագրեց իր դոկտո-

րական դիսերտացիան՝ նվիրված XIX դարի առաջին կեսի ուտոպիստ սոցիալիստ Շարլ ֆուրիեի օւսուրդները («Ֆուրիեի հասարակական իդեալի ծագումը»)։ Հետագայում, երբ հնարավորություն ստեղծվեց աշխատել նաև ֆրանսիական գրադարաններում և արխիվներում, Ա. Հովհաննիսյանը նոր նյութերի, իր կողմից գիտական շրջանառության մեջ դրված բազմաթիվ ուշագրավ փաստաթղթերի հիման վրա կրկին անդրադարձավ վերահիշյալ հեղինակների ստեղծագործական ժառանգությանը։ ՍՍՀՄ գիտությունների ակադեմիայի հրատարակությամբ 1958 թ. լույս ընծայվեց Ա. Հովհաննիսյանի «Շարլ ֆուրիե» աշխատությունը, որը, մասնագետների կարծիքով, մեծ մրտածողի կյանքին ու գործունեությանը նվիրված լավագույն ստեղծագործություններից է։ Այդ գրքում նշանակալի տեղ է տրվում նաև Ռևտիֆ դե լյա Բրետոնին։

«Կոմունիստական գաղափարները ֆրանսիական մեծ հեղափոխության տարիներին» ընդարձակ մենագրության մեջ, հրատարակված Մոսկվայում 1966 թ., ամփոփված են այդ բնագավառում Ա. Հովհաննիսյանի երկարամյա ուսումնասիրությունների արդյունքները։ Աշխատության շարադրմանը նախորդել է հեղինակի ազդեցիտական-հետազոտական մանրակրկիտ և արդյունավետ աշխատանքը ֆրանսիական մի շարք արխիվներում ու գրադարաններում։ Նրա կողմից ի հայտ են բերվել մեծ քվով արժեքավոր վավերագրեր։ Ժամանակագրական առումով մենագրությունն ընդգրկում է 1789—1794 թթ.։ Առաջին գլխում հանգամանորեն քննարկված են արժատական հավասարապաշտության խնդիրները, որի ներկայացուցիչների որոշ մասն ընդհուպ մոտեցել էր կոմունիստական գաղափարներին։ Հաջորդ գլուխը նվիրված է հեղափոխության առաջին շրջանի կոմունիստական համոզմունքներին, համայնական կոմունիզմին և կոոպերատիվ նախագծերին։ Այնուհետև առանձին գլուխներ են հատկացված Ռևտիֆ դե լյա Բրետոնի համայնավարական յղևային և կոմունիստական խոշոր տեսաբան և փառաբան գործիչ Ֆրանսուա Բուալտին։ Չլերշին գլխում ներկայացված են հեղափոխության և Յակոբինյան դիկտատուրայի ժամանակաշրջանի կոմունիստական գաղափարները։

Ա. Հովհաննիսյանի այս մենագրությունը խոշոր ներդրում է ֆրանսիական մեծ հեղափոխության կոմունիստական գաղափարների ուսումնասիրման ասպարեզում և այն իրավացիորեն արժանացել է սովետական և արտասահմանյան գիտնականների բարձր գնահատականին։ 1974 թ. այդ գրքի համար Ա. Հովհաննիսյանին շնորհվեց ՍՍՀՄ գիտությունների ակադեմիայի Վ. Պ. Վելյկինի անվան մրցանակ։ Աշխատությունը քարզմանված է ֆրանսերեն և շուտով կհրատարակվի Փարիզում։

1981 թ. Մոսկվայում լույս ընծայվեց ակադեմիկոս Աբգաս Հովհաննիսյանի նոր ուսումնասիրությունը, որը նվիրված է XIX դարի առաջին կեսի ֆրանսիական ուտոպիական կոմունիզմի պատմությանը։ Այդ կարևոր խնդիրը ինչպես հարկն է չէր հետազոտված գլխավորապես սկզբնաղբյուրների պակասի հետևանքով։ Ա. Հովհաննիսյանի պրպտումների շնորհիվ հայտնաբերվեցին նոր փաստաթղթեր, անհայտ մնացած մի շարք հրատարակություններ և դրանց հիման վրա հնարավոր եղավ պատշաճ խորությամբ քննել խնդիրը և իրականացնել այդ ուշագրավ գրքի հրատարակությունը։

Արդեն արտադրություն է իջեցվել և մոտ ժամանակներս Մոսկվայում լույս կտեսնի Ա. Հովհաննիսյանի «Հեղափոխական-կոմունիստական շարժումը Ֆրանսիայում 1840—41 թթ.» նոր մենագրությունը, որը դարձյալ շարադրված է ֆրանսիական արխիվներում պահվող նյութերի հիման վրա և կոմունիստական գաղափարներին զուգահեռ լուսաբանում է բանվորական կոմունիստական շարժումները ոչ միայն մայրաճաղափում, այլև Լիոնում ու Ռուանում։

Ակադեմիկոս Ա. Հովհաննիսյանի գիտական հետազոտությունների մյուս բնագավառը հայոց պատմության կարևոր մի ժամանակաշրջանի՝ XVIII դարի կեսերից մինչև հաջորդ դարի սկզբների պատմությունն է։ Մինչև Ա. Հովհաննիսյանի աշխատությունների հրատարակ գալը հայ ժողովուրդի XVIII դարի երկրորդ կեսի պատմության շատ հարցեր են քարակված չէին բազմակողմանի, խոր, մարքսիստական բնույթի ու լուսաբանման։ Ա. Հովհաննիսյանը մեծ ավանդ ունի այդ շրջանի, ինչպես և XIX դարի սկզբների Անդրկովկասի և մասնավորապես Արևելյան Հայաստանի

պատմության կենտոս բազմաթիվ խնդիրների հետազոտման գործում: Մոսկվայի և Լենինգրադի մի շարք արխիվներում, ինչպես և Մաշտոցի անվան Մատենադարանում գտնվող սկզբնաղբյուրների մանրակրկիտ ուսումնասիրության հիման վրա նա բազմակողմանի ֆենոլոգիան ու յուսաբանսան է ենթարկել հայ ազատագրական շարժումն ընդդեմ քուրդական ու պարսկական տիրապետության, հայ-ոսմական հարաբերությունները, Ռուսաստանի ֆաղափականությունը Անդրկովկասի և մասնավորապես Արևելյան Հայաստանի նկատմամբ. Անգլիայի ու Ֆրանսիայի պայքարը Անդրկովկասը Ռուսաստանին միացնելու դեմ և բազմաթիվ այլ խնդիրներ:

Աբգար Հովհաննիսյանի գրչին պատկանող «Հովսեփ Էմին» ուսումնասիրությունը (Երևան, 1945 թ.) սովետահայ պատմագրության լավագույն գործերից մեկն է: Դա մեծ և լուրջ ուսումնասիրություն է XVIII դարի երկրորդ կեսի հայ ազգային ազատագրական շարժման ամենանշանավոր գործիչներից մեկի և, ընդհանրապես, այդ ժամանակ Հայաստանի մեջ և նրա սամաններից դուրս, առանձնապես հնդկահայ և ռուսահայ գաղութներում ծավալված ազատագրական շարժումների մասին: Այս մենագրության մեջ հաջողությամբ շարադրված են Հովսեփ Էմինի բազում դեպքերով և արժանահիշատակ եղելություններով հարուստ կյանքն ու գործունեությունը: Միսմամանակ վեր են հանվել և պատշաճ գնահատականի արժանացել այդ ժամանակաշրջանի ազատագրական շարժման մի շարք նշանավոր դեմքեր, որոնց հետ գործել է Հովսեփ Էմինը: Գրքի արժեքն ավելի են բարձրացնում այն նորահայտ փաստաթղթերը, որոնք հավելվածի ձևով զետեղված են վերջում:

Ակադ. Ա. Հովհաննիսյանի հաջող մենագրությունը, որ հրատարակվեց 1947 թ.՝ «Ռուսաստանը և հայ ազատագրական շարժումը XVIII դարի 80-ական թվականներին», նվիրված էր քուրդ-պարսկական նվաճողների դեմ ուղղված հայ ազատագրական շարժման մեջ Ռուսաստանի խաղացած դերին և հայ-ոսմական պատմական կապերին: Այդ գրքում ուսուսական դիվանատներից ու Մատենադարանի ձեռագրատան ֆոնդերից փառված փաստական հարուստ նյութերի հիման վրա հանգամանորեն յուսաբանված է XVIII դարի 80-ական թթ. Արևելյան Հայաստանի նկատմամբ ռուսական կառավարության վարած ֆաղափականությունը: Հեղինակը համոզիչ կերպով ցույց է տվել, որ Ռուսական կայսրության ֆաղափական և տեսնական շահերն այն ժամանակ թելադրում էին Արևելյան Հայաստանը պարսից լծից ազատագրելու և հայկական պետականությունը վերակազմելու անհրաժեշտությունը: Թագմաթիվ փաստերով հիմնադրվում է այն իրողությունը, որ ստեղծված ծանր կացության մեջ ռուսական կողմնորոշումը հստակ ժողովրդի միակ ճիշտ և փրկարար դիրքորոշումն էր:

Ինչպես Ա. Հովհաննիսյանի այլ աշխատությունները, այնպես էլ այս մենագրությունը հազելված է փաստական արժեքավոր նյութերով: Հեղինակը մանրակրկիտ աշխատանք է տարել սկզբնաղբյուրների ֆենոլոգիան և արժեքավորման ուղղությամբ: Այդ բնույթի հետազոտությունները բույլ են տվել նրան լուծել բազմաթիվ հանգույցներ և առեղծվածային խնդիրներ: Աշխատության մեկ երրորդը զբաղեցնում են առաջին անգամ հրատարակվող շուրջ ութ տասնյակ մեծածեղ փաստաթղթերի յուսակարային պատկերներ և վերծանված բնագրեր:

Նախորդ աշխատությունների տրամաբանական շարունակությունն է հանդիսանում ակադ. Ա. Հովհաննիսյանի «Անդրկովկասի միացումը Ռուսաստանին և միջազգային հարաբերությունները XIX դարի սկզբին» մենագրությունը (Երևան, 1958 թ.), որը շարագրված է ակնաբանների ձևով: Հեղինակը արգասավոր և բռնաշան աշխատանք է տարել տարբեր դիվանատներում սփռված այլալեզու բազմաթիվ սկզբնաղբյուրների հայտնաբերման և մեկնաբանության ուղղությամբ: Այդ հիմնի վրա նա կարողացել է համակողմանի և մանրամասն յուսաբանել Անդրկովկասը Ռուսաստանին միացնելու ժամանակաշրջանի միջազգային կացությունը, անգլո-ֆրանս-ոսմական հարաբերությունները Արևելքում և մասնավորապես Իրանում ու Անդրկովկասում. Անդրկովկասը Ռուսաստանին միացնելու դեմ Անգլիայի ու Ֆրանսիայի վարած թշնամական ֆաղափականությունը, այդ երկու երկրների պայքարը՝ Իրանում գերիշխանության հասնելու համար: Բուրժուական պատմագրությունը նշում է ապացուցել, որ Անդրկովկասի և Իրանի նկատմամբ Անգլիան զավթողական ծրագրեր չի ունեցել, նրա միակ մտանդությունն էր

Իրանին օգնություն և հովանավորություն ցույց տալով՝ կանխել և կանգնեցնել Ռուսաստանի առաջխաղացումը դեպի Հնդկաստան: Իսկ Ֆրանսիային Իրանը հետաճրհրհել է, իբր, միայն Հնդկաստանի վրա արշավելու առումով: Ա. Հովհաննիսյանը բազմաթիվ փաստերով, ֆաղված գլխավորապես Լվրոպական աղբյուրներից, անառարկեթորեն ապացուցում է այդ տեսություններին կեղծ և հակագիտական լինելը: Նա ցույց է տալիս, որ նշված ժամանակներում թե՛ Անգլիան և թե՛ Ֆրանսիան անում էին ամեն ինչ Ռուսաստանի ազդեցությունն Արևելքում բուլացնելու, Անդրկովկասի միացումը Ռուսաստանին կանխելու և Իրանն իրենց տիրապետության ուղիղունների մեջ առնելու համար:

Ակադեմիկոս Ա. Հովհաննիսյանը մեծ վաստակ ունի հնդկահայ գաղութների պատմության, Ֆրանց ֆաղաֆական ու տնտեսական վիճակի, տեղական իշխանությունների, անգլիական վոյսարալության և Արևելա-հնդկական ընկերության հետ նրանց ունեցած հարաբերությունների, ազատագրական պայքարում նրանց խաղացած ակտիվ դերի բացահայտման ու արժևավորման գործում: Իր մի շարք աշխատություններում, ինչպես և գիտական պարբերականներում հրատարակած հոդվածներում, նա մանրամասն կանգ է առել այդ խնդիրների, հատկապես Մադրասի հայրենասիրական խմբակի, նրա անդամների գործունեության և գաղափարախոսության վրա: Նշված հարցերը հետազոտված են մանրակրկիտ ձևով ու մեծ բարեխղճությամբ: Այդ ապարկում Ա. Հովհաննիսյանի ավանդը նպաստավոր է Լոկի հնդկահայոց նոր ժամանակների պատմության հետազոտման համար:

Արգար Հովհաննիսյանը զգալի աշխատանք է տարել նպաստելու հայ ժողովրդի պատմության, ՍՍՀՄ ժողովուրդների և համաշխարհային պատմության հատորների, ինչպես և Սովետական պատմական հանրագիտարանի ստեղծման գործին: Սովետական պատմագիտությունը նա բազմիցս ներկայացրել է պատմաբանների միջազգային հավաքներում: Նա գլխավորել է «Հայաստանի արվեստը Ուրարտուից մինչև մեր օրերը» յուրահանդեսը, որը կազմակերպվել է Փարիզում 1970—1971 թթ.:

Անվանի գիտնականի ծառայությունները բարձր են գնահատվել մեր կուսակցության ու կառավարության կողմից. նա Հայկական ՍՍՀ գիտության վաստակավոր գործիչ է, սլարգևատրվել է Աշխատանքային կարմիր դրոշի երկու, «Պատվո նշան» երկու և Հոկտեմբերյան հեղափոխության շքանշաններով:

Չնայած առաջացյալ տարիքին, ակադեմիկոս Արգար Հովհաննիսյանն այսօր էլ նոր Լուսնով շարունակում է իր գիտահետազոտական աշխատանքները և գործուն մասնակցություն ցույց տալիս Հայկական ՍՍՀ գիտությունների ակադեմիայի գիտական աշխատանքների ղեկավարմանը:

Պատմ. գիտ. դոկտոր Վ. Ռ. ԳՐԻԳՈՐՅԱՆ